



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

21. de modo loquendi de personis cum exclusiua dictione.

urn:nbn:de:hbz:466:1-38840

E P I T O M E
DE MODO LOQVENDI
de Personis cū exclusiua
dictione.

DISTINCT. Vigesima primæ
C A P. Primum.

Conceditur hæc, Solus Pater, &c.

Quoniam dictū est suprà quòd tantus est solus Pater, vel solus Filius, vel solus Spiritus sanctus, quantum simul illæ tres, &c. Ideo quærit August. 5. de Trin. Quomodo hæc sanè dici possunt, quū nec Pater sit solus, nec Filius, nec spiritus sanctus, sed inseparabiles sint hæ tres personæ? Cap. 8

Solus excludit à proprietate relativa Ad quod ita respondet idē Aug. in eod. Solum Deum Patrem dicimus, non quia separatur à Filio, vel Spiritu sancto. Sed hoc dicentes significamus quia illi simul cum eo & non a pluralitate personarū. non sunt Pater: Solus enim Pater, Pater est. quod non dicitur quia ipse sit solus, id est sine Filio vel Spiritu sancto. Cū ergo dicitur, Tantus est solus Pater, quantum simul illi tres, per hoc quòd dicitur solus, non separatur pater ab aliis. Sed hic est sensus: Solus Pater, id est Pater, qui ita Pater est, quòd nec Filius, nec Spiritus sanctus, tātus est. Similiter intellige cū dicitur, Solus est Filius, Solus Spiritus sanctus.

C A P. secundum. *Non conceditur hæc,
Solus Pater est Deus.*

VTrū sicut dicitur Solus Pat. est Pat. vel solus Filius est Filius: ita possit dici, *Essentiales* Solus Pater est Deus. Dicendū quod *termini de* quum tres personæ sint vnus Deus, Trinitas *personali-* simul propriè dicitur esse solus Deus, sicut *bus cū ex-* solus sapiens & potens. Ideo hæ non vidētur *clusiua nō* à nobis concedi, nisi vbi sermo authoritatis *dicuntur.* occurrit: Solus Pater est Deus, vel Pater est solus Deus: ita de Filio & Spiritu sancto. vt dicit Aug. lib. 7. de Trinit.

CAP. Tertium. Trinitas solus Deus dicitur.

Quæritur quomodo ipsam Trinitatem dicimus solum Deum, quū sit cū spiri- tibus & animabus sanctis. Ad quod respondet August. lib. 5. de Trinit. dicens: Trinitatem dicimus Deum solū, quā- uis semper sit cū spiritibus & animabus san- ctis. Sed solū dicimus, quia non aliud quàm ipsa Trinitas Deus est. Non enim illi cum il- la Deus sunt, sed ipsa tantum Trinitas Deus est.

CAP. Quartum. Si Pater diceretur solus Deus, non tamen excluderetur Filius aut Spiritus sanctus.

Veruntamen (vt ait Augu.) etsi de solo Patre prædicta dicerentur, non tamen excluderetur Filius aut Spiritus sanctus.

quia hi tres vnum sunt: sicut in Apoc. legi- 1. Io. 5.
tur de Filio, quod habet nomen scriptum, Ca. 19
quod nemo sit nisi ipse. Non enim inde sepa-
ratur Pater aut Spiritus sanctus. Et cum di-
D. Tho. 1. citur, Nemo nouit Patrem nisi Filius, nō in-
9 31. artic. de separantur alij. Aliquando & nominan- Ioh. 17
3. C. 4. tur Pater & Filius, & tacetur Spir. sanctus:
vt Veritas ad Patrē ait, Vt cognoscant te so-
lum Deum. & quē misisti Iesum Christum.
Cur (ait Aug.) tacuit de Spir. sancto? Quia
cōsequens est vt vbiq̄ue nominatur vnus,
reliqui intelligantur.

DE MVLTIPlici NOMI-
num ac prædicationū differentia in diuinis.

DISTINCT. 22. CAP. Primum.

*Sextuplicia sunt Nomina quæ Deo tribuuntur
secundum substantiam.*

DEinde demonstrandū quibus modis de
ineffabili illa Trinitate ac vnitāte ali-
quid dicatur. Illud ergo præcipuè te-
neamus quædā esse nomina ad singulas per-
sonas distinctè pertinentia (vt ait Aug. lib. 9.
de Tri.) quæ de singulis tantū dicuntur per-
sonis. Quædā verò essentia vnitātē signifi-
cantia, quæ & de singulis sigillatim, & de o-
mnibus cōmuniter dicuntur. Quædā trāsfla-
tiuè & per similitudinē de Deo dicuntur. Prō-
prietatis itaq; indicia sunt (ait Amb. lib. 2. de
Tri.) generatio, Filius, Verbū: Vnitatis verò